



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

51. De Iuliano auunculo Iuliani Aug. qui cum præciosa vasa abstulisset, Ecclesias clausisset, & clericos omnes effugasset, admirabile[m] Dei vindictam expertus est.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

accepta pecunia fecerunt, sicut eis fuerat imperatum. Reddiderunt agrum, solidosque super sepulchrum serui Dei posuerunt: sed cum hæc fecissent, statim illi in loco quo erat, spiritum exhalauit, lucratusque est detrimentum animæ per adeptionem acquisitionis iniquæ. Episcopus autem obtinuit ultionē de inimico Ecclesiæ, quam promiserat futuram per athletæ Dei virtutem.

Ex histor. Ecclesiast. Tripartit. lib. 6. cap. 10. Iulianus auunculus Iuliani Aug. cum preciosa Ecclesiæ vasa abstulisset, Ecclesias clausisset, & clericos omnes effugasset, admirabilem Dei vindictam expertus est.

C A P. L I.

Iulianus auunculus Iuliani Imper. dicitur id studium habuisse, ut in thesauros Imperatorios plurima & preciosa Ecclesiæ Antiochenæ vasa recondere, & clausisse Ecclesias, & vniuersos clericos effugasse, & solum tunc Theodorum stetisse presbyterum. Quem cum tanquam vasorum custodem comprehensum crudeliter sauciaisset, nouissimè præcepit gladio occidi. Qui fortiter inter vniuersa tormenta respondit, & pro dogmatis confessione deuicit. Quumque vniuersa Deo dicata vasa, & pallia collegisset, proiciens hæc in terram, contumelijs & iniurijs, ut voluit afficiens Christum, super ea etiā sedit, & cumulum auxit iniuriarum. Moxque verenda eius & loca femoribus circumposita feruntur esse per-

percutta, & ad tantam peruenit putredinem, ut vermes procrearentur, medicis laborantibus vincere affectionem. Cōficiabantur enim omnimoda preciosaque medicamina ex pinguibus volatibus, ut eorum pinguedine corrupta, & putria membra linirentur. Hoc facto vermes ad superficiem prouocabant, quia in profundo ebulliētes, per viuas serpebant carnes. Et donec moreretur, non fuit ab hac affectione securus. Hoc itaque claruit diuina indignatione factum, cum etiam custodes imperialium thesaurorum, & alij plurimi aduersus Ecclesias insurgentes, inopinata & miseranda morte defuncti sint, quasi superna indignatione damnati.

Ex histor. Ecclesiast. Tripartit. libr. 6. cap. 32.
De Iuliano præfecto, qui impudenter contra sacrum altare minxit, & de Felice et Elpidio, sacrilegis, eorumque horrendo interitu.

CAP. LII.

CIVM sub Iuliano Apostata, iuberentur vasa Ecclesiarum sacra fisci ærario deputari, sublati ianuis Ecclesię maioris, quam Constantinus ædificauerat, sit cunctis accessibile sanctuarium. Ingrediente siquidem Iuliano præfecto Orientis Ecclesiam, Felix præpositus regaliū thesaurorum pariter introiuit, & simul Elpidius Comes rerum priuatarum. Aiunt enim & Foelicem & Elpidium prius Christianos, tūc à pietate recessisse,

Ff 3

impio